



TIMBUNAN sampah sarap dan batang serta ranting pokok menyekat aliran Sungai Segamat, Kajang menyebabkan sungai tersebut semakin tercemar dan warna airnya semakin keruh.

Peniaga pengotor ambil jalan mudah campak sampah

Sungai Sekamat semakin kotor, keruh

KAJANG – Sikap sesetengah peniaga yang tidak bertanggungjawab membuang sampah ke dalam Sungai Sekamat di sini menyebabkan aliran airnya semakin keruh hingga mengundang kemarahan penduduk setempat.

Tinjauan *Kosmo!* mendapati, sampah sarap dan sisa dari pasar pagi dan pasar malam di kawasan berdekatan memenuhi kawasan sungai tersebut.

Rata-rata penduduk mendakwa, peniaga kebiasaannya mengambil jalan mudah mencampakkan sampah ke dalam sungai yang terletak di sebelah jalan utama di sini.

Seorang penduduk Kampung Sungai Sekamat, Yusuf Juri, 54, berkata, sampah itu selalunya dibuang pada waktu tengah malam selepas operasi pernia-



MOHD. ISA



YUSUF

gaan pasar malam tamat setiap hari Khamis.

“Sampah yang dibuang antaranya, sisa kering seperti karung guni sayuran, kotak buah-buahan limau dan plastik sampah berisi bekas makanan polisterin.

“Saya khuatir jika perbuatan tersebut berterusan, tidak mustahil Sungai Sekamat akan menghadapi masalah pencema-

ran teruk,” katanya ketika ditemui di sini semalam.

Sementara itu, seorang lagi penduduk, Mohd. Isa Ahmad, 64, berkata, tindakan tidak bertanggungjawab sesetengah peniaga itu perlu dipantau pihak berkuasa tempatan dan semua pihak tidak perlu menuduh antara satu sama lain tentang punca kekotoran pada sungai tersebut.

“Setakat ini pihak kuasa tidak mengambil tindakan terhadap perbuatan membuang sampah ke dalam sungai dan sungai itu juga tidak dibersihkan.

“Pihak berkuasa perlu menyediakan tong sampah yang mencukupi bagi memastikan tiada lagi pihak yang mengambil jalan mudah menghumban semua sisa sampah ke dalam sungai,” katanya.